



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

09 OGOS 2021 (ISNIN)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

09 OGOS 2021 (ISNIN)

Jual kit ujian sendiri COVID-19 tiada kelulusan

'KPDNHEP boleh bantu siasat farmasi'

Kuala Terengganu: Kementerian Perdagangan Dalam Negeri dan Hal Ehwal Pengguna (KPDNHEP) tiada kuasa untuk mengambil tindakan ke atas farmasi menjual kit ujian sendiri COVID-19, yang tidak mendapat kelulusan kerajaan.

Timbalan Menteri, Datuk Rosol Wahid berkata, ia dalam bidang kuasa Kementerian Kesihatan (KKM) dan Pihak Berkuasa Peranti Perubatan (MDA), namun pihaknya akan membantu melakukan siasatan.

"Jika betul ada farmasi menjual kit ujian sendiri bukan daripada enam syarikat diluluskan kerajaan kita akan siasat dan hasilnya akan diserahkan kepada MDA untuk tindakan selanjutnya.

Kita hanya boleh mengambil tindakan jika didapati kit ujian sendiri yang dijual itu adalah produk tiruan. Kita dimaklumkan, kerajaan hanya meluluskan enam syarikat untuk membekal dan mengedarkan kit ujian sendiri COVID-19 kepada orang ramai," katanya.

Beliau berkata demikian kepada media selepas menyampaikan bantuan bakul makanan kepada penduduk di kawasan pelaksanaan Perintah Kawalan Pergerakan Diperketatkan (PKPD) Mukim Manir di Balairaya Kampung Manir, di sini, semalam.

Mengenai penjualan kit ujian sendiri COVID-19, Rosol yang juga Ahli Parlimen Hulu Terengganu berkata, sebuah farmasi di Pahang dikesan menjual barangan berkenaan bukan daripada enam syarikat diluluskan kerajaan.

"KPDNHEP akan mengemukakan kertas siasatan dilakukan kepada MDA untuk tindakan selanjutnya," katanya.

Mengenai penjualan pelitup muka tiruan, Rosol berkata, sepatutnya isu itu tidak timbul selepas semua barangan berkenaan sudah melalui proses ujian penguji purnafasan.

Bagaimanapun, katanya, KPDNHEP akan terus memantau dan mengambil tindakan jika didapati masih ada pelitup muka ti-



Rosol menyampaikan bantuan bakul makanan kepada penduduk di Mukim Manir di Balairaya Kampung Manir, Kuala Terengganu, semalam.

(Foto Baharom Bakar/BH)

ruan yang dijual, termasuk melalui atas talian.

"Penjualan produk tiruan tiruan termasuk kit ujian sendiri COVID-19 dan pelitup muka boleh dikenakan tindakan mengikut Akta Perihal Dagangan 2011, iaitu menggunakan cap dagang palsu ke atas barangan bertujuan perdagangan.

"Jika sabit kesalahan, boleh dikenakan tindakan denda maksimum RM250,000 dan kesalahan kedua atau berikutnya boleh dikenakan tindakan sehingga RM500,000," katanya.

Lapor jika peniaga naikkan harga air mineral

KPDNHEP terima maklumat kenaikan harga di Kuala Nerus dan Kuala Terengganu namun tiada aduan rasmi dibuat

KUALA TERENGGANU

Orang ramai dinasihatkan supaya membuat laporan secara rasmi kepada Kementerian Perdagangan Dalam Negeri dan Hal Ehwal Pengguna (KPDNHEP) sekiranya peniaga menaikkan harga tong dan air mineral terutama di kawasan yang menghadapi masalah beka-

lan air.

Timbalan Menterinya, Datuk Rosol Wahid berkata, terbaharu, pihaknya menerima maklumat bahawa kenaikan harga itu berlaku di sekitar Kuala Nerus dan Kuala Terengganu, namun tiada yang tampil membuat aduan rasmi.



ROSOL

GANGGUAN BEKALAN AIR

“Kalau ada peniaga yang menaikkan harga air mineral atau tong air secara melampau, boleh buat laporan kepada kementerian melalui pelbagai platform seperti aplikasi WhatsApp dan panggilan telefon yang kami sediakan.

“Setakat ini tidak ada laporan rasmi, hanya aduan secara verbal dan

kenaikan pula di kawasan kampung, mungkin kerana bekalan air mineral yang berkurang sedangkan permintaan banyak,” katanya kepada pemberita selepas menyampaikan sumbangan 530 bakul makanan kepada penduduk kawasan Manir yang terjejas berikutan pelaksanaan Perintah

Kawalan Pergerakan Diperketatkan (PKPD) sejak 5 Ogos lepas.

Terengganu berdepan masalah bekalan air sejak Isnin lepas berpunca daripada saluran paip pecah di dasar Sungai Terengganu yang melibatkan 28,700 akaun di dua daerah iaitu Kuala Terengganu dan Kuala Nerus. -*Bernama*

Report water price hikes, public told

KUALA TERENGGANU: The Domestic Trade and Consumer Affairs Ministry has advised the public to lodge official complaints with the ministry if traders raise prices of mineral water and containers, especially in areas experiencing water supply disruptions.

Its Deputy Minister Datuk Rosol Wahid said the ministry had recently received information that the price increase took place in Kuala Nerus and Kuala Terengganu, but no official complaints were made, Bernama reported.

"They (the public) can make reports to the ministry through various platforms such as WhatsApp and phone calls.

"The price hike was in villages, probably due to a decrease in mineral water supply while demand is high," he said after handing food items to residents in Manir.

MASUK hari gaji, pening kepala masih tidak berkurang. Masakan tidak, pada waktu itu jugalah masalah di luar jangkaan seperti kereta rosak dan sebagainya mula timbul. Itu belum diambil kira bayaran sewa, bil perubatan, air, elektrik dan sebagainya. Menambahkan sakit kepala dan kempis poket, ialah wang yang diperlukan untuk keperluan persekolahan anak-anak dan keperluan tambahan yang lain.



BELANJA DENGAN BIJAK

Ada ketikanya pula, walaupun tiada perkara yang perlu dibayar, duit mengalir hilang entah ke mana. Bila dah tengah bulan baru nak fikir pasal bajet lari.

Akan tetapi, sedarkah anda bahawa masalah kewangan bagi kebanyakan yang dihadapi sebenarnya dapat diatasi sekiranya kita bijak mengatur perjalanan kewangan?

Pastikan Haluan Wang Anda - Langkah pertama mengatur kewangan adalah dengan menentukan ke mana hala tuju. Catat semua pembiayaan atau perbelanjaan yang perlu dikeluarkan bersama jumlahnya setiap bulan.

Antara perkara yang perlu dipertimbangkan ialah:

1 Pembiayaan tempat tinggal sama ada disewa atau pemilikan tetap. Ini juga merangkumi pembiayaan untuk perbelanjaan rumah seperti elektrik, air, insurans rumah, makanan mahupun hiburan.

2 Senaraikan kategori-kategori yang sesuai dengan gaya hidup anda. Misalnya kategori berhubung pendidikan, perjalanan harian atau pembiayaan khusus.

3 Agihan yang melibatkan jumlah besar yang perlu dibayar secara berkala seperti insurans.

Jangan Main Bayar, Pastikan Tujuannya - Jika semuanya sudah disenaraikan dalam satu data, hitungkan untuk mendapatkan jumlah perbelanjaan. Kemudian kenal pasti jumlah

pendapatan anda pada setiap bulan.

Jangan lupa untuk menyenaraikan pendapatan lain misalnya bonus, dividen dari pelaburan dan sebagainya. Apabila segalanya telah jelas, maka lebih mudah untuk anda mengesan lebih perbelanjaan dan lebih pendapatan.

Akhirnya, anda boleh melihat ke mana wang tersebut bakal digunakan. Bahagikan kepada beberapa bahagian. Kirakan juga pembiayaan pembiayaan yang tidak diduga misalnya untuk tujuan kecemasan. Jangan lupa:

1. Tabungan hari tua atau persaraan
Biarpun mempunyai pencen mahupun KWSP, ini bukan bermakna anda boleh berpuas hati dengan apa yang ada. Jalan selamat ialah dengan memperuntukkan sejumlah wang bagi tujuan tersebut.

2. Sediakan tabung darurat atau kecemasan
Biarpun tampak berat, namun anda harus melakukannya. Tabung darurat adalah

penyelesaian paling selamat untuk membantu anda kelak.

Biasa itu berbisa - Kategori bagi setiap aliran wang telah anda lihat. Kini, awasi kebiasaan anda kerana ia mungkin menjadi punca kepada tabiat kewangan anda.

Televisyen berbayar atau internet - Adakah ianya merupakan keperluan utama anda? Adakah anda perlu melanggan semua pakej yang ditawarkan? Adakah perlu meletakkan penggunaan internet tanpa had?

Mengeluarkan wang tunai yang banyak - Apakah anda tergolong dalam individu yang sering mengeluarkan hampir keseluruhan wang sebaik sahaja menerima gaji? Apakah kegunaan atau keperluannya? Adakah anda mengawal perbelanjaan anda apabila melihat wang yang banyak di tangan?

Kad-kredit - Adakah kad kredit merupakan keperluan untuk anda? Sejahtera mana anda mampu mengawal tabiat berbelanja dengan menggunakannya?



Mampukah anda melangsaikan hutang tersebut?

Alah Tegar Bisa Biasa - Kewangan yang cemerlang memerlukan masa dan kemahuan.

Jadi jangan mudah berputus asa jika bulan pertama masih belum menampakkan hasil.

Cari perkara yang boleh dijadikan panduan.

Antaranya:

- 1 Tuliskan, jika tidak anda pasti terlupa dan tidak mematuhi peraturan yang telah dibuat.
- 2 Ketika anda mempunyai rezeki lebih, anda boleh buat pelaburan atau membayar hutang-hutang besar. Selain itu, tidak salah jika anda meraikannya bersama keluarga atau dijadikan penghargaan untuk diri sendiri.
- 3 Biasakan diri untuk berfikir ke depan. Jika anda mengetahui situasi akan berubah, misalnya bakal menimang cahaya mata, maka rencanakan kewangan anda ke arah itu bagi memudahkan anda kelak.
- 4 Ketika perbelanjaan mula meningkat, tinggalkan perkara yang tidak penting seperti berhibur, makan di restoran yang mahal, membeli barangan berjenama dan sebagainya.

Jangan biarkan masalah kewangan membelenggu diri anda. Kawal perbelanjaan anda dan mulalah mencari pendapatanpendapatan tambahan untuk meningkatkan tahap kewangan anda.

Mahu tidak mahu, anda perlu merancang kewangan peribadi anda dengan baik. Untuk merancang dengan betul sudah tentu anda perlu mempelajari ilmu tersebut. Di dalam perancangan kewangan, anda akan melihat bagaimana perlunya menyediakan bajet atau belanjawan, menabung dan bagaimana anda membelanjakan wang anda sepanjang masa.

- Terbitan Persatuan

Keselamatan Pengguna Kuala Lumpur (PKPKL); PKPKL@hotmail.com dengan kerjasama KPDNKK